

TEZĂUR LITURGIC

19 MAI

ACATISTUL SF. PREOȚI-MUCENICI ONUFRIE, ALEXANDRU ȘI CONSTANTIN DE LA SLOBODSK



MOSCOVA, 2000



АКАФИСТ

священномучеником Онуфрию, Александру и Константину со новомученики земли Слободской

КОНДАК 1

Избранным носителем Духа Божественного, Исповедников Церкви Православныя адаманта твердейших, похвальная приносим святым священному-чеником Онуфрию, Александру и Константину, разумом истинного богопознания веру христолюбцев лозы славянския, ересьми и расколы терзаемая, утвердивших, и с сонмом новомучеников земли Слободския, кровию своею за мертвых, живых и грядущих Христу священнодействующих. Мы ж предстательством их от всех зол ограждаемые, со умилением взываем:

Радуйтесь, священномученицы Онуфрие, Александре и Константине, со всеми новомученики земли нашея.

ИКОС 1

Архангельский силы на Небесе и Боголюбивые люди на земли ликовствующе, всерадостно прославляют Церкви Зиждителя — Христа Бога нашего, славно воздвигшаго новые светила

веры: Священномучеников Онуфрия, Александра и Константина, с сонмом новомучеников земли Слободския, страданьями и исповедническою кровию своею, ада богоборческое нашествие посрамивших и многие из тьмы неведения ко Христу приведших. Мы же многострадальном подвигом их в вере и любви к Богу утверждаемся, зовем таковая:

Радуйтесь, Церкви Православныя немеркнущие светильницы;

Радуйтесь, Евангелия Христова неустрашими проповедницы.

Радуйтесь, доблестии искоренители лжепророческих гаданий;

Радуйтесь, пламеннии ревнители Апостольских преданий.

Радуйтесь, подвигом вашим сатана посрамится;

Радуйтесь, в терпении вашем Христос прославился;

Радуйтесь, заклатися за Церковь Христову Богом избранные;

Радуйтесь, в терпении многострадальном Агнцем Божиим увенчанные.

Радуйтесь, священномученицы Онуфрие, Александре и Константине, со всеми новомученики земли нашея.

КОНДАК 2

Видя страшную гибель родителя своего и
бедственность матери родной, всеблаженне
Онуфрие, утешающе ю, отрочески прорекл еси:
не рыдай, мати моя, епископом Церкви
Христовой буду, всячески облегчу страдания
твоя. О сем дивящися, како Святой Дух из
млада, не токмо к матери своей, но и ко
страждущей Церкви Христовой, состраданием
исполни сердце твое, вопием Бо-гу: Аллилуиа.

ИКОС 2

Разум познания всеблагой воли Божией объят
душу твою, боголюбиве Онуфрие, егда в дивном
явлении пустыножителей начальник — Авва
Онуфрий повели ти образ иноческого жития
прияти и жертвенной любовью за Церковь
Христову сораспяться, яже, яко юный Самуил
древле глагол Божий, с любовью восприял, иго
благое и бремя легкое Христа Спаса взем, сему
последовал еси прилежно. Тем же похваляюще
послушание и любовь твою ко Господу, зовем ти:
Радуйся, иноческого подвига ревнителю;
Радуйся, ангельския чистоты стяжателю.
Радуйся, нищету Христову с радостию
восприявый;
Радуйся, жребий исповедника Христова
облобызавый.

Радуйся, клеветы злолукавые неповинных
избавителю;
Радуйся, узников по Бозе усердный защитителю.
Радуйся, верных в терпении непоколебимое
утверждение;
Радуйся, мучеников пречестных неувядаемое
украшение.
Радуйтесь, священномученицы Онуфрие,
Александре и Константине, со всеми
новомученики земли нашея.

КОНДАК 3

Сила Вышняго, немощная врачующе и
оскудевающая восполняюще, из-лияся на вас,
новомученицы земли Слободския, егда вся силы
ада воздвигошеся огнем и мечем Русь Святую
опустошители, род же наш боголюбивый
истребити. Вы же, аки агнцы на заклание
гонимые суще, узы темничныя прохождаша и
костьми своими дебри Сибирские устилающе,
яко столпы веры непоколебимые, Имя Божие
прославили есте, да купно с вами все роды родов
наших поют победную песнь Богу: Аллилуиа.

ИКОС 3

Имеюще ревность о гонимой Церкви Христовой
и ненавистию богоборцев терзаемой пастве
православной, уз темничных, мучений и

изуверских умерщвлений не убоястеся святии иерарси, пастыри и мирстии Боголюбцы, яко же три отроцы с Даниилом в Вавилоне иногда, пламень злобы гонителей зве-ронравных притупили есте, доблестно воздвигше несокрушимое Знамя Христо-во в земле нашей. Уязвленны подвига сего величием, вопием вам сицевая:

Радуйтеся, преславнии страстотерпцы земли Слободския;

Радуйтеся, превозмогшии верою силы адския.

Радуйтеся, неистовства мучителей изобличители;

Радуйтеся, злонравия лжеучителей низложители.

Радуйтеся, верные иерарси Христовы пресветлии;

Радуйтеся, священницы, монаси и мирстии, Христу любовью сораспен-шиися.

Радуйтеся, отцы и матери, церквей домашних священное утверждение;

Радуйтеся, вдовы и сироты, мучеников-крестоносителей неувядаемое ук-рашение.

Радуйтеся, священномученицы Онуфрие, Александре и Константине, со всеми новомученики земли нашея.

КОНДАК 4

Бурю ярости и злобнаго неистовства воздвигоша на тя, священномучени-че Онуфрие, сыны

беззакония и лжепастыри, разорявший единство Церкви Христовой Православной, — овы же лжеученьми и прорецаниями, овы же кле-ветою и лжесвидетельством сомкнути уста медоточного богословия твоего в узах темничных тщахуся. Ты же, ярость таковых превозмогая, не токмо хри-столюбивую паству, но союзников своих наставлял еси воспевати Богу: Алли-луиа.

ИКОС 4

Слышаша и ведеша людие православнии равноангельское стояние ваша, на страже апостольской чистоты веры и незыблемого единства Церкви Христо-вой, достоблаженные Онуфрие, Александре и Константине, веру непорочную соблюдше и мнози заклатися за Церковь Божию пойдоша, и крови своею свя-щенные олтари веры народов славянских от осквернения сохраняше, Имя Хри-стово прославившии. Мы же ныне, бурей расколов тлетворных терзаемые, зо-вем к вам прилежно: Радуйтесь, Христа возлюбившии — с Ним за мир заклавшиися;
Радуйтесь, Христу спогребшиися, смерти жало славно поправшии.
Радуйтесь, теплотою Божественной любви души наша согревающи;
Радуйтесь, в скорбех и болезнях терпению

Христову нас научающих.

Радуйтесь, стада Христова пастыри вернии;
Радуйтесь, молитвенницы за народ наш
неутомимые.

Радуйтесь, обуреваемым тихое пристанище;
Радуйтесь, заблудших благостные наставницы.
Радуйтесь, священномученицы Онуфрие,
Александре и Константине, со всеми
новомученики земли нашея.

КОНДАК 5

Богосветлая светила, Духом святым возженная,
воспламени Господь сердца новомучеников
земли Слободския, да упасут и избавят
боголюбивые народы наша от вражды с Богом и
попрания святых заповедей Его, их же дух
злобы поднебесной низвергнути на сие тщашеся.
Бурею безбожия испытуемые, овы многовидная
мучения восприяша, а инии обезглавлении
быша, да не-умолкнет песнь Богови в земле
нашей: Аллилуиа.

ИКОС 5

Видевше гонители злочестивые, яко твердо
упование ваше на Господа и любовь к Нему,
злобою распекахуся, страдания люта
измышляху, мняху всяче-ски: голодом и мразом и
изнуреньми каторжными веру вашу попрали,

посмеяние диаволу явити, святии
крестоносители Онуфрие, Александре и
Константине и вси исповедницы земли
Слободския, вы же, новыя весны прозябение
Христово явистесь, вся козни бесовския
поправши, о сем приносим вам таковая:
Радуйтесь, трем отрокам в Вавилоне верою
благодетельным;
Радуйтесь, Даниилу в рове львином в мужестве
преславным.
Радуйтесь, Церкви Христовой славным
поборникам;
Радуйтесь, православного вероучения
неисчерпаемые источники.
Радуйтесь, славу мира сего, яко суетную
призревшии:
Радуйтесь, блага временныя ничтоже
сменившии.
Радуйтесь, к Богу велие дерзновение имущи;
Радуйтесь, пламенной любовью к Богу присно
горящи.
Радуйтесь, священномученицы Онуфрие,
Александре и Константине, со всеми
новомученики земли нашея.

КОНДАК 6

Проповедание медоточных уст твоих, яко же
мука и елей в Сарепте Си-донской, никогдаже

истощаешься, ниже заграждаешься, преславне исповедниче Христов Онуфрие. Видим бо ты благовествующа на воле и в заточениях: Одеском, Харьковском и Старо-Оскольском, Курском, Кудымкарском, Тюмень-ском и Тобольском, и впоследствии в Хабаровском крае, идеже в пламене стрел огненных, со многими соузники предал еси душу твою, вопиюще Богу: Алли-луиа.

ИКОС 6

Возсияша подвиги ваша, снятия новомученицы Христовы, в созвездии тысящ исповедников Святой Руси, кровию своею омывших грехи, не токмо от-цев и праотцев наших, но и грядущих по них, страданьми своими жало грехов-ное сокрушающе, во еже освятити землю нашу в дом Божий — жилище Духа Святаго. Сему преславному подвигу удивляющеся, вопием немолчно:

Радуйтесь, Константине, Иннокентие, Варсонофие и Киприане;

Радуйтесь, Иннокентие, Николае, Петре и Иоанне.

Радуйтесь, Сергие, Антоние, Иоанне и Иларионе; Радуйтесь, Владимире, Николае, Викторе и Симеоне.

Радуйтесь, Дионисие, Иакове, Паисие, Гаврииле

и Спиридоне;
Радуйтесь, Николае, Андрее, Филиппе и Иоанне.
Радуйтесь, страданиями своими волю Божию
сильным мира сего благовестивший;
Радуйтесь, верой пламенной, силу безбожия
охладивший.
Радуйтесь, священномученицы Онуфрие,
Александре и Константине, со всеми
новомученики земли нашей.

КОНДАК 7

Ходатай пред Богом преизряден явился еси,
священномучениче Онуфрие, аще и сам в
каторжных нуждах пребывая, обаче, егда
соузников твоих на смерть ведоша и сии тайно
ввергоша ти прошение молиться за них, долу
по-верглся еси, со слезами многими взывая:
Господи, помяни убиенных соузников моих во
Царствии Твоем, рыданиями вопия Богу:
Аллилуиа.

ИКОС 7

Новые и немеркнущие светильницы явистесь,
многострадальни страсто-терпцы Христовы, по
всей земле нашей, в лесах непроходных и рудех
подземельных, голодом и холодом томимы, в поте
кровавом изнуряемы суще. Но идеже
умножашася страдания ваша, тамо

преизобиловаша чада Христовы, из злодеев и
убийц кающихся. Тако бо от беззакония к
повиновению Божию многих приведосте, о
сем восхваляем вас сицевыми похвалы:
Радуйтесь, лесорубы, козни вражии стенающие;
Радуйтесь, дровосеки, всякую лесь бесовскую
пресекающие.
Радуйтесь, в подземелии светом Христовым
сияющие;
Радуйтесь, зачерствелую совесть к покаянию
побуждающие.
Радуйтесь, алчущих правды питателие;
Радуйтесь, нищих духом утешителие.
Радуйтесь, нераскаянных грешников ко Христу
приведшии;
Радуйтесь, с ними же в Царствие Небесное
вшедшии.
Радуйтесь, священномученицы Онуфрие,
Александре и Константине, со всеми
новомученики земли нашея.

КОНДАК 8

Странно бе видети тя нага и обнаженна, и во
гноищи поверженна суще, священномучениче
Александре, верным чадам твоим, в темнице
стражу дер-жавших, идеже в истязаниих лютых
житие твое скончал еси, всеблаженне. Но и
отрада велия бе их, егда в гноищи ночью тело

твое извезоша, облекоша, и во псалмех и песнях,
со слезами многими погребоша тя благочестно,
вопиюще Бо-гу: Аллилуиа.

ИКОС 8

Весь мир ужасом многим содрогашеся слышаше,
киими истязаньми и мученьми изнуряемы
бысте, достославнии новомученицы Христовы,
егда в мо-рях севера дальнего, в водах хлада
лютого потопляху вы, веры же вашей охладити
не можаху, якоже сорока мучеников в Севастии
иногда. В сем стоянии адамантовом за веру
православную видяще вас, умиляемся сердцем и
сокруша-емся душою, зовуще:

Радуйтесь, исповедницы новые и преславнии;

Радуйтесь, кораблицы веры непотопляеми.

Радуйтесь, молитвенницы о нас пред Богом
теплейшии;

Радуйтесь, в скорбех грядущих на нас,
помощницы вернейшии.

Радуйтесь, во бранех со диаволом терпению нас
научающи;

Радуйтесь, в стоянии за веру православную нас
укрепляющи.

Радуйтесь, богомудрых умов услаждение;

Радуйтесь, боголюбивых душ увеселение.

Радуйтесь, священномученицы Онуфрие,
Александре и Константине, со всеми

новомученики земли нашей.

КОНДАК 9

Вся, елика имаше: дом, имение, славу и жизнь твою отдай, аще истяжут от тебе, рекл еси, всеблаженне Онуфрие, веры святыя православныя, яко же би-сера драгоценнаго, не отрекайся, аще и в печь огненную ввержен будеши, ибо в ней наше вечное пребывание в Бозе нашем, чрез Отрока и Христа Его. Тако проповедуя и тако славно на смерть пошел еси, бисер веры храня, поя Трисвя-тую песнь Богу: Аллилуиа.

ИКОС 9

Витии избранныи явистесе, достославнии страстотерпцы, всяку лествь бе-совскую заграждающе и посрамляюще, ею же дух злобы поднебесныя мняше народы наша на путь нечестия совратити: овых ересьми и расколы, овых же всякаго нечестия насадителями, да хулится Имя Трисвятыя Троицы. Вы же, крест Христов взявши, нечестия сего силу, яко непотребную, ученьми вашими попрасте, верным путь ко Христу просветили есте. О сем, в вере отцев наших спасаемые, поем вам таковая:

Радуйтесе, огонь и воду славно прошедши;

Радуйтесь, веру свою печатию крови
утвердившии.

Радуйтесь, Христа возлюбившии, к Нему
прилепистесь;

Радуйтесь, погубившии временное, вечное
обретшии.

Радуйтесь, вдов и сирот усерднии попечителие;

Радуйтесь, гонимых за веру православную от
бед избавители.

Радуйтесь, дольняго мира мудрейшии узницы;

Радуйтесь, мира горняго вернейшии союзницы.

Радуйтесь, священномученицы Онуфрие,

Александре и Константине, со всеми
новомученики земли нашея.

КОНДАК 10

Спасти хотя многия, попусти Господь беды
веля на народы наша, да якоже кукиль от
пшеницы злыя изымет и сожжет, верныя же,
яко пшеницу со-берет в житницы Своя и
прославит их, яко верных рабов Своих. Мы же
волю Божию приемлюща, терпению и
злостраданию их научимся, егда к испытаниям
призовет нас Господь, да ублажая подвиги их,
поем неложно песнь Богу: Алли-луиа.

ИКОС 10

Стена тверда и крепкое ограждение явистесь,
многострадальный испо-ведницы, к вам
прибегающим и молитвенного предстательства
вашего прося-щих, в новых испытаниях веры
сущих. Вы же, славно вся сия препобедивши и
торжество Церкви Христовой принеся,
помогите и нам немощным нечестия силу новую
посрамить и победителями злонравия явиться,
да ублажаем вас си-цевыми похвалы:

Радуйтесь, врагом веры Христовой необоримая
преграда;

Радуйтесь, храмов Божиих от разорителей
несокрушимая ограда.

Радуйтесь, омраченных зловерием, светом веры
Христовой просвещаю-щих;

Радуйтесь, лжемудрием объюродевших к
покаянию наставляющих.

Радуйтесь, учителя кротости и воздержания;

Радуйтесь, столпы непоколебимии Святаго
Православия.

Радуйтесь, от сетей вражиих верныя
избавляющих;

Радуйтесь, ходити в заповедях Божиих нас
научающих.

Радуйтесь, священномученицы Онуфрии,
Александре и Константине, со всеми
новомученики земли нашея.

КОНДАК 11

Пение еже приносим вам, несть довольно к похвалению преславных под-вигов и трудов ваших, достоблаженнии Онуфрие, Константине и Александре, и все новомученицы земли Слободския. Обаче, ведуще доброе намерение и лю-бовь нашу к вам, внемлите мольбам нашим и избавите нас и народ наш право-славный от прелести еретического зловерия и языческого злонравия, да утрен-нююще, чистым сердцем приносим песнь Христу Богу: Аллилуиа.

ИКОС 11

Светом Божественной любви объят был еси, Онуфрие досточудне, егда призывал еси союзников своих кающихся, радоватися, понеже благодать Божия изобильно пребывает со всеми очистившими совесть свою покаянием сердечным, яко чрез страдания временная, готовится верным радость вечная, юже уготована Бог любящим Его. Ублажая сея радости тайну велию, молим вас при-лежно, страдальцы преславнии: в унынии и скорбех мнозех утешьте нас не-мощных, да спасаемы, зовем вам немолчно:

Радуйтесь, Духа Святаго священное жилище;
Радуйтесь, благодати Христовой славное
вместилище.

Радуйтесь, яко орли к Солнцу Правды
воспарившии;
Радуйтесь, к Свету Невечернему из юдоли плача
возвысившиися.
Радуйтесь, Царствия Небеснаго наследницы;
Радуйтесь, вечныя славы сопричастницы.
Радуйтесь, в селениях праведных упокоение
обретшии;
Радуйтесь, у Престола Божия присно
пребывающии.
Радуйтесь, священномученицы Онуфрие,
Александре и Константине, со всеми
новомученики земли нашей.

КОНДАК 12

Благодать Божия изобильно излиися на вы,
священномученицы Онуфрие, Александре и
Константине, со многими страсотерпцы земли
нашея, егда пре-сечена бысть земная жизнь
ваша во угождение лжебратий, предавших вас,
юже за Христа благочестно положили есте.
Благодати сея силою укрепите и нас не-мощных,
да вашими молитвами, всякия козни вражия
препобеждая, вопием Всеблаговому Богу нашему:
Аллилуиа.

ИКОС 12

Поюще многострадальная подвиги ваша и пламенную любовь яже ко Господу, священнострадальцы Онуфрие, Александре и Константине, и все но-вомученицы славно Христу сораспавшиися и от земных в небесная венценосно водворившиися, идеже Ангелом сликовствующе, нас немощных, напастьми испытуемых, поминайте прилежно. Мы же, надежду велию на вас имуще, волю Божию, яко всеблагую приемлем и скорбьми утешаящися, зовем вам таковая:

Радуйтесь, венценосные крестоносители;
Радуйтесь, тайн Божиих премудрии строители.
Радуйтесь, всяких добродетелей пресветлое зеркало;

Радуйтесь, Церкви Святыя непреодолимая забрала.

Радуйтесь, церковная светила, от Трисолнечного Света возженная;

Радуйтесь, крины благовонии райского прозябения.

Радуйтесь, выну в молитвах Богу предстоящи;

Радуйтесь, непрестанно за мир Христу молящися.

Радуйтесь, вся прекрасная в душе вашей Богу принесшии;

Радуйтесь, всей силой любви сердец ваших Бога

возлюбивший.

Радуйтесь, священномученицы Онуфрие, Александре и Константине, со всеми новомученики земли нашея.

КОНДАК 13

О многострадальные и всехвальные страстотерпцы Христовы, священно-мученицы Онуфрие, Александре и Константине, Варсонофие и Киприане, и все святии земли Слободския, славно сораспеншиися за Церковь Святую Право-славную и кровьюми своими в небеснех со Христом священнодействовать сподобльшиися. Нынешнее наше моление приемше, от всех бед, скорбей и напастей нас избавите, наипаче же Церковь Святую, юже до крови возлюбисте, рас-колы и тлетворными ересьюми снедаемую, миром оградите, да купно с вами вопием победную песнь Богу: Аллилуиа.

Сей кондак глаголи трижды.

И паки читается 1-й икос: Архангельские силы: и паки кондак 1-й: Избранным носителем:

МОЛИТВА

О многострадальне священномучениче и верный исповедниче Христов Онуфрие! Имея веру адамантову и любовь серафимскую ко Господу, и рев-ность ко Храму Божию Давидову,

попечение же Павлово о благостоянии Церк-ви Христовой, вся беды и скорби, гонение и поношение, и узы темничнии все-усерднейше понесл еси, всеблаженне.

Ныне же, со всеми страстотерпцы земли Слободския, славно пострадав-ших и веру православную соблюдавших, принеси молитву сердечную за нас ко всех Владыце, якоже иногда за соузников своих темничных молился еси, егда за Имя Божие и веру святую православную истребляху их, да милосердствуя, оградит Господь Свою Святую Церковь и нас от злобы и лукавства сынов без-законных, жаждущих крови нашея, от них же сам гоним был еси и лютую смерть претерпел преславно. Сии бо духом ада предводимы, храмы святыя и алтари их разоряюще и Имя Божие хуляще, овы же ересьми и расколы, иные клеветою и лжепрорицаниями, и чудесе ложными, насаждая пагубныя сборища свои, яко же волки хищнии, устремишася чад Церкви Православныя поглотити и погубити.

Сего ради молим вас прилежно, святителие Христовы Онуфрие, Алек-сандре и Константине, священнодействовавших пред Лицем Божиим кровию своею и добродетельми новомучеников земли нашея возвеличившими Пресвя-тое Имя Его, молитися, да не погубит нас Господь грех

ради наших и не предаст души наша в руки ангелов лютых. Да не поядет огонь юноши наша и девы не неосетованы будут, священницы же наша да не падут от меча лютаго, и вдовицы не оплаканы явятся, нас же в поношение и посрамление вечного пленения да не предаст Господь.

Вы же, предстателие наша теплейшии, помяните нашу немощь, укрепите нас в любви вашей ко Господу и в мужественном стоянии, даже до крове за святую веру православную, и умолите Владыку мира, даровати нам и грядущим по нас мир и благоденствие, благорастворение воздушных и умножение плодов земных; от глада, труса, огня и междоусобных брани, от всяких бед и напастей нас избавити, да непостыдно совершим хождение наше пред Лицем Божиим.

Церкве же Святых, Православней благостояние и утверждение да дарует Господь, народу нашему и правителем его мудрость, согласие и страх Божий, союзом любви Христовой утверждаемый, нам же единомыслие веры, во еже утвердиться в любви и согласии, исполняюще волю Божию и его святые заповеди с благоговением и отрадою.

Да тако прославляется в делах наших Имя Божие от рода в род и во веки. Аминь!



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО